

四庫全書

集部

欽定四庫全書

文苑英華卷一百三十三 宋 李昉等 編

鳥獸三

古駿賦一首

吳坂馬賦一首

驥服鹽車賦一首

却走馬賦一首

相馬賦一首

萬年縣試金馬式賦一首

銅馬賦一首

寧戚飯牛賦一首

目無全牛賦一首

古駿賦

牛上士

寒關月壯羽書南向虜馬秋肥朔兵犯障燿烽夜驚候  
馬相望雲橫朔塞之前雪滿天山之上於是天子按劍  
將軍事邊雷驅甲卒直指幽燕風韃韃別本韃  
作蓬而出海

波漫漫而騰天當鴈門而北上薄龍沙而左旋既而漢  
虜齊兵三軍合陣虹旗箠掃鼓聲雷振奕奕能羆森森  
鋒刃或左提而右拂乍一留而一進則有俠少鷲賊上必

由下許聿切二  
字見吳都賦

雄駒捷疾耳若挿筩顛疑削出跼金鑣

以弄影控鐵銜而齧膝始駮驪以舞風忽獲略而追日  
蒙具裝擇組練雜然一往鼓仆旗旋足不得搖目不得  
眄超騰絕壑走及奔箭疑隔漢之流星似披雲而出電  
左賢為之膽懾骨都為之領戰飛奔肅肅恣意馳逐宛  
若遊龍行如驚鹿左右披靡東西徃復溝壑漢以朱殷  
毛拂霜而蝟縮蕭條萬里顧盼翹陸橫塞上以長嘶餘  
聲振于山谷况乃項籍英雄驅馳冠戎旗翻落日劍倚  
長虹惜良驪之不逝歌美人於帳中摧拔山之氣泄指

烏江而路窮遂使畢會戰場挑身鋒鏑人控馬以騰踊  
馬隨人而奮擊轉足生風簫塵無迹跳山超澗冒刃衝  
敵突圍則漢將奔波怒目則追軍辟易遭楚王之不利  
當壯年之虛擲也別有渥水龍媒朱旄逸才雙瞳目

疑作

日耀五色花開逢漢王之棄置跼吳坂

前後此用吳坂戰國策作虞坂

以徘徊思效技於金埒願追仙於玉臺懷玉臺兮傷遠  
道朝朝暮暮銜枯草千金買骨君儻知百萬交錢猶未  
老垂兩耳兮伏鹽車倚雙鞞兮慙蹇驢絆權奇而不用

空侗儻其焉如

吳坂馬賦

以下觀泥驥迴  
知貴駒為韻

謝觀

吳坂之馬兮駿且竒  
伊孫陽兮不知伏櫪而誰憐  
拘絆疑倚輶而但見清羸  
兩耳長垂不斷於嘶風噴月四蹄

可式一作試

何愁於玉勒金羈  
當其初出渥洼孰分駕驥

雖白日之可逐曷青雲之自致  
頓銜驥首逢人兮不鳴  
強鳴弄影超羣知已兮未至  
須至嗟乎全無芻粟半卧  
沙泥况精靈之粗有亦毛骨以非  
低金埒行時儻拔風

塵之跡玉鞭垂處願親桃李之蹊於是將躍未騰欲真尚假徘徊龍旆之側踈跼鹽車之下良時易失常憐過隙之光朗鑿難逢多是迷途之者善相爰來精神一作

斗迴奮迅而蝟毛俱聳嘶鳴而星眼俄開舊阜云辭步步而風雲借便長衢一去行行而珂珮相催曩夕猶賤凌晨已貴羣心惕惕以暗伏衆口喧喧而相謂乍同曲突收將宮徵之音又似豐城指出斗牛之氣蓋非斯人無以辨龍駒非斯馬無以動寰區固二者之冥契播一

時之令圖馬兮雖遇新知還因舊主儻一顧之未替必  
載馳而可覩更有瑤池方外之程願著鞭於造父

驥伏鹽車賦

闕名

有驥子兮維之朽索服鹽車兮困于絕漠將發憤於一  
哀遂求知於伯樂由是騰健步奮竒毛連嘶自若驥首  
彌高負調鼎之資空慙引重持向人之意終願代勞當  
其迢遞燕郊蒼茫吳坂悲東道之莫及念北風之將晚  
既同跼踖載馳之用靡分倘遇知音千里之期何遠寧



曳輪之是辱恐負軛之非名飲齏雖憐其垂耳鞭驅奚

敢以抗衡是使玄黃莫遇

一作喻

款段無營汗血匪難一

日有祈於用力求人未易三年何恨於不鳴今也勞役  
薦臻高名斯矚將激昂以待願願奔馳而徇欲重伸羸  
氣自殊要駕之難載發哀聲幸比擊轅之曲或有賤同  
牛阜用匪龍媒亦在異於剪拂辨以駕駘夫如是則當  
於輓軛之下自然不媿於羣材

却走馬賦

以天下有道無所用之為韻

闕名

貞元初既平凶醜海縣安阜歸戍人於田里却戰馬於

隴畝所以示力爭之無益昭靜勝之足有乃命司武關

一作

御阜出羣騶於紫陌閱衆驥於黃道吉行之乘存

六駁而有餘無戰之時惜萬蹄而空老於是脫羈鞅任

超逾騰驤於古塞之外飲齧於洪池之隅恣蕭蕭之永

逸免逐逐之長驅天廐初辭誠貴人而賤畜農車倘駕

亦以有而之無留之則踈

一作跳

其駿足而不與人共捨

之則遂其生適而省其國用願東道之常來凌北風而

遠縱曩者揚鑣噴沫環

一作被

甲鳴鞭角紫燕以行地隨

飛龍而御天追風於陣表絕電於君前功德難忘信彌

多而不厭驕奢作戒故雖愛

一作受

而必捐任物自然仁

之上者脩文偃武德之要也屏危事之形影張禮容於

宗社尚茲恬淡見道發宸衷釋彼權竒知化成天下材

雖駟駿用亦有時艱難則雲從而騁力開泰則野逸而

呈姿昔常代於人勞良多效矣今則遂其天性非曰棄

之感君恩之有序彌天壤而得所望駿駢而躑躅依水

草以容與彼周武之歸漢文之却曷足方我皇之明舉

相馬賦

武少儀

徐先生相馬不相色不相力相其德與乎不可測何以  
徵之鬣青絲兮風生眼黃金兮電光蹄盤攤而散花毛  
翕翕而成章衆人觀之已駢於路旁不啻於堵墻一曰  
為龍一曰為鹿中間何敢乎比方先生則異於是忘筌  
於毛質之外引鏡於肺腑之裏見其心兮如思勿思見  
其目兮如視非視虛舟為動喬木為止合大道而自然

喪一齊至人而何處有以若此者足不以遵地影不以逐形騰六合歆四溟截飛鳥遺流星日車為之不轉風馭為之中停二師以之罷貢伯樂為之焚經卓然擅天下名宜乎不爾直中繩曲中鈎徘徊閭闔之遊圓中規方中矩蜿蟺交衢之舞亦以其次噫徐公不至駕駘共阜於騏驎徐公一來騏驎出羣於駕駘由此觀之世上賢才用則虎否則鼠何以異哉小人也內頌無國馬之賢遇君有徐公之術早已蒙於一顧至今長鳴猶未騁

於千里更思剪拂超然自得恍然自失倘受恩分果如  
前則平生之願畢矣

萬年縣試金馬式賦

以漢朝鑄金為  
名馬式為韻

呂 鑄

馬以行地致用式乃範金取規表騏驥以立則擬形容  
而可知合諸法象遵彼權竒卓爾趨姿想從革而乍見  
駭茲殊相疑軼塵而載馳毫髮盡此纖穠不差誠駿骨  
之個儻亦巧心之云為本其稱自前朝制於往漢金也

者持堅剛之可久式也者驗逸異而有案形乃辨於千里功詎勞於萬鍛匪刻鶴之同科豈偶人而齊貫載鍊載精我馬是程虎脊乍覩龍文可名星氣想合金光發明踈足不前如俟孫陽之顧望雲邈視寧殊注水之生向日而疑將奮影臨風而狀若長鳴曲盡其趣不憊于

素寫逸態以全能制蘭筋而巧附瞳雙鏡而可鑒觀

一作

權兩月以合度謂天驥之呈材乃良金之所鑄取則不

遠其象孔昭常矯矯以示象特昂昂而建標騷囊在目

飛

一作  
嘗

黃立朝哂求市之三年終觀駿死無相肥於一

槩何慮駒跳所以稽乎驥德垂此作式指半漢以成規  
豈駑駘之可惑置於宮壺有待獻書之賢鑄以越銅載  
假伏波之力事與名遠理將意深寧俟造父之能馴驂  
騮乃覲何必九方之善相驪牝獨尋等循形以觀影咸  
得駿於斯金故曰考茲術也選無違者可以斷臧否明  
取捨形分似是類別真假欲獻狀於國門

赭白馬賦  
獻狀絳闕期

一中於名馬



第二

同前韻

王起

先賢鑄金之英為馬之形馬無疆而致用金不朽而垂  
名瞻之在前則至寶山立寂然不動則異體峰平固將  
六龍可驗八駿斯營遐迤絕足遠契長鳴豈徒玩熒煌  
之彩眄熠爚之情哉始其模既全體將具思求絕塵之  
貌是假在鎔之鑄踴躍其液渥洼之形未出撲滅其煙  
浮雲之姿已露方中矩兮圓中規勢倜儻兮精權竒誠  
可傳而可繼每不驅而不馳其一作嘗巧既畢安貞莫移

豈貪夫而是徇諒工者之所為若乃大閱羣騶旁搜萬國獻絳闕而咸萃充華廐而尚惑乃審厥象俾臻其極仰從革之輝光知代勞之軌則駕駘沓至自垂百鍊之

形駟駿俱負

一作

來允叶萬邦之式其狀惟肖其儀孔昭

仰沛艾以龍翥若驂驪而鹿超推

詩推之秣之

秣勿施異乘

黃之伏阜繫維罔及殊赭白之來朝翼翼雄姿煌煌壯

觀恒引耀以錯落每勝騰

疑作騰

精而半漢牛以石兮多慙

池以銅兮非翫是知武皇之制博伏波之旨深用之則

行昔飛聲於東道確乎不拔終成象於南金高門洞闢  
秘殿旁臨將萬古以駭目俾四方而宅心豈作賂大宛  
其形見棄為神蜀郡厥祀方歆者哉固宜無迹於衆寡  
不昧於取捨永作鏡於域中比懸衡於天下則稱驥德  
頌駟牧者未若似是而非常以馬而喻馬

銅馬賦

以鑄金象形用  
求良駿為韻

紇干俞

昔伏波資越銅之具皇漢得天馬之度蓋以張戎容程  
國步允稱其德懷致遠之無疆既授於師必命工而所

鑄象物惟肖利人則深研精以範酌憲于心始察形而  
視骨遂修火以鎔金煥若中起昂然四臨望丹闕以就  
日俯玄墀而擇陰俾夫司僕載馳別於羣而是仰倅人  
匪懈御于王而審象疑顧影以權竒乍含輝而爛朗由  
茲而明式遐布觀我而逸材利往即山為類且尚其功  
存齟草無施敢勞於惠養徒想其屹以沛艾爛兮晶瑩  
狀赤文而呈瑞方候日於堯庭超乎獨立的爾殊形訝  
騏驥之變態聿登歌於彼駟叶以陰德稟于地靈列君

軒之粹異咸此駿之儀形是知法以疑行與人共思衆材

而膺國用王惟智周寫弘範而俾營求矧乎揉其物於

精剛制其器於質良克絕奔踈邈無玄黃雖齊力齊毫

用每虧於典禮建如龍如鹿形既造而昭彰美成式之

不替信改鑄一作煎之有常奚絕塵之足比庶出水而同

方者哉銅為寶兮固越俗之所擯馬之神也仰漢庭而

未進猗善相以來歸豈康衢之增駿乎

寧戚飯牛賦

以取賢在牛首之下為韻

王履真

惟彼甯戚兮既貧且窶跡未出於樵夫身尚同於牧豎  
劬勞日夕頓冒風雨苟直道而退讓不非義而進取執  
以綆索積諸歲年取疑作飯以露草飲之靈泉取東臯之

田同無得而乃得居南山之石常思賢以薦賢高節彌  
堅潔操無改扣角之音雖倦立身之志恒在遊乎綠野  
息以青疇雲霞掩暖山川阻修異董生之乘馬同巢父  
之飲牛棲屑岐路蹉跎壘畝衣褐不足蔽其骭糠粃不  
足充其口心常想於青雲貌恐遲於皓首強於學也以

待問藏其器焉以待時獨商歌而奚謂思齊君而聽之  
君乃問旃知其野君臣從此而道合理化以之而相  
假才足堪於輔佐位寧卑於庸下

目無全牛賦

以虛心通明暗  
與理會為韻

王履真

著絕藝者積功而成窮物理者因心而明觀彼庖丁之  
游刃合夫天道之至情運心術於妙用得玄技於惟精  
相彼牛兮雖完體斯在於我目也而折俎已呈豈不以  
因功之深為志所使揮無厚以合度投有間之中軌積

就之妙既由乎月將操割之微亦依乎天理若動不導

窾

見莊子

任非由已則必受夫力劬孰能免夫目視始吾

於牛也膚革未充筋骨靡窮心無所措其利手無所施

其功惑臂韜

疑作韜

之原本迷脉媵之要終動既多悔勤

而未通逮三載以積用乃一朝而發蒙今吾於牛也察

其博碩考其小大不俟

一作候

刀解自將神會定貴賤之

骨若委地而在前視血管之膏雖表革而無外信功著  
而理貫乃道成而情泰遂得不遵蓮鍔不合桑林駢駢



之軀折如應手穢穢之角割若愜心此乃變化斯探視  
聽靡濫美候明而咸見雖處幽而無暗夫人之脩業頗  
亦象諸能玄通而理達則疑釋而悟虛一作法別有技業  
目牛得同碩鼠取勢行止喻依庠序竊學見賢思齊敢  
望惟仁是與儻王庖之可待願發硎而延佇

文苑英華卷一百三十三

欽定四庫全書

集部

文苑英華卷一百三十四至  
六

詳校官內閣學士臣瑞保

助教臣常循覆勘

總校官進士臣朱鈐

校對官編修臣于昂

謄錄監生臣賀英

欽定四庫全書

文苑英華卷一百三十四

宋 李昉等 編

鳥獸四

由鹿賦一首

管窺豹賦一首

田獲三狐賦一首

狐死正丘首賦一首

狐聽水賦二首

教猱升木賦一首

玄猿賦一首

馴猿賦一首

傷斃犬賦一首

由鹿賦

并序

呂溫

貞元丁卯

一作丁巳

歲予南出襄樊之間遇野人繫鹿而至

一作捕

者問

一作詰

之答曰此為由鹿由此鹿以誘致羣鹿

也備言其狀且曰此鹿每有所致輒鳴嗥不飲食者累

日子喟然歎曰虞之即鹿也必以其類致之人之即人

也亦必以其友致之寔繁有徒古之一作從古然矣嗟乎鹿

無情而猶知有一作口有痛傷人之一一無此字與謀一有而字宴一作實安

殘酷者一無此字彼何人斯一本疊用此四字物微感深遂作賦曰

鹿之生兮亦秉亭毒備齒角以無競循性情而自牧姑

有味於行止尚焉知乎倚伏捨爾崇林輕遊近麓偶巧

網之生致蒙主人之全育飲以一作于滌井飼于芳庭寢

卧荃柔騰倚蘭馨露往霜來日安月寧雖矯性而非樂

終感恩而不驚曾不知養非玩物一作致用有一作別包深

意命曰由鹿一作命之曰由一作命俾陷其類涼秋八月夾景清氣羈

致或作彼山阿縻于或作乎蹊隧設伏以待翳叢而伺同氣

相求誘之孔易將必慕侶豈云貪餌啾啾和去聲鳴麇麇

狎至彼泯慮於猜信此無情於誠偽孰是倉卒禍生所

忽毒鏑歛以星貫潛機劃其電發或洞冑而達腋或折

足而碎骨望林巒兮非遠顧町疇兮未滅風嗥澤而北

迅一作至日掩山而西沒走駭侶於巖煙叫饑靡於澗月

苟行路之聞者孰不心摧而思絕相一作想爾由矣野心

而仁望純束兮一作而驚惋一作顧獲車兮逡巡視

鼎中之消爛觀机一作割上之剖一作割分忽哀鳴以感類若沉

痛之在身雖復處之密邇享以豐珍比檻猿之駭躍同

海鳥之愁辛敢擇音而後死一作思走險其何因痛無

知以相陷含惋怨一作毒而莫伸客有感而言曰物誠有

諸人亦宜乎撫事或比一作撫原心則殊借如淮陰構

禍寃在神理通說且拒豨謀寧起堂堂蕭公實曰知己

給致鍾室胡寧忍此呂祿之難誰非漢臣交則不義賣

亦不仁彼美酈生既為交親誘襲軍印豈無他人於戲

微獸傷類如不自容忍伊一作人賣友而享其功滅交道

兮墜義風曾麋鹿之不若何仁信之可宗已焉哉諒此

世之茫茫吾未見其始終

一作參用集本及文粹

管窺豹賦

以管中窺豹時見一斑為韻

闕名

管實圓通豹稱竒質將窺窺以無視果遇文而得一言

如立信初云必有可觀美在其中終荷守而勿失奚執

虛而莫見諒衡

一作衝

空而有窺注目每思其

一作夫

破竹

專心常切於主皮故得精神靡怠盼睐無虧辨或未分

豈敢曰小人所視言如有準安得謂童子何知事不可



輕智難相短瞻夫隱霧之獸乃用窺天之管豈文質之  
不伸獨孤明之所滿分形既內識規規視遠惟中央坦  
坦然後知虛心可達小智攸同毫釐必遠一作則長短皆

通投迹倘遇於東周孰辨犬羊之羶有文而比夫西伯  
豈殊縲紲之中是謂祈進奚為求知不倦將希國士之

察用當君子之變羅因一日期一作斯所視之無偏利絕

一源專向明之獨見乃知蔚文者道不足攀俯視者智

或防閑一作智何微明之有辨果偶中之無難一作謂

容止可觀且殊室隙同邂逅相遇更善通班信專美之  
獨嘉諒生知而何教流涕已假夫觀止審像乃知其是  
效十年之學自分西晉之賢一管之明更識南山之豹  
夫如是則履中不昧應手無疑冀覩一作闕之有以得  
專精而所之亦何必誇久視騁一時然後知求仁之可  
驗唯智者之念茲

田獲三狐賦

以田獲三狐吉  
無不利為韻

李咸

客有都尉崔公嘗以投筆筮仕遇解九二爻應無何而

立功成名遂之來

一作無何立功異域名遠之來

相與遊遠而獲三狐

公以為應往者之兆遂為田獲三狐賦余因應云

放心而適者其在乎遊田徒御自肅鑠鉤相牽指東郊  
以按轡乘北風以鳴鞭風威初厲鷹隼斯擊英寮訟閒  
農人務隙分曹命侶榮隨所歷未濟之狐歛起荒陌多  
疑膽捐虛驚心惕趨材競逐良弓可射筭分銖商遠近  
乃捨拔而則獲於是長舒遠引自北徂南遇豐草而必  
陟逢虎穴而爭探車輕輪高羣足趨趨將使蹂躪其十

二三爾乃出林莽踐平蕪歷歷爾見綏綏有狐莫赤其  
色又眈其膚各挾爾之矢先張爾之弧雖羅空三面而  
人合四隅終見加其一目遽生擒於僕夫更有七擒七

縱乍奔乍逸忽投足於舊邱且守之而勿失俄而獵父

疑作焰熾蘊崇烟鬱知隱伏之無所動險中之暇出搏

噬交亂竿爰惶西京賦竿爰罔解狐之終凶扶疑作

九二之貞吉得理中之道偕枉直之實且夫平原廣衍

何有何無獨茲狐之見獲應君子之筮謨君子云誰其

唯崔公筮謨伊何當入其仕乎固欲知蔡澤之躍馬而  
問詹尹以泛鳧公侯干城則四方壯士文章經國則一  
代英儒我章斯銀我綬斯朱安比夫求魚靡餌即鹿無  
虞哉已而日低嵐岫煙生寒柳鞞弓釋捌割鮮縱酒是  
田也蓋一作盡以集彼戎事從其羣醜第吾人之謹謠則  
疑郢中之能不豈徒焚林竭澤乾池滌藪况夫天誠其  
馳騁御難其枯朽雖俟俟一作候儻儻或羣或友皆棄之  
而不受一作取嘻茲狐之無知何雖一作處獸而似智當其

七雄分勢遇楚相以申威九尾來儀感魏君而呈瑞又若腋入珍裘肉登俎味在物斯賤與人為利利之者以此載詠歌而無愧

狐死正丘首賦

以樂生戀本仁者之心為韻

白行簡

狐者微物死乃可珍想彼邱而結戀正茲首以歸仁生也有涯且不忘其本死而無二亦不喪其真可比德於先哲寔聞言於古人原夫委化將終微情有托面淇梁之窟穴目武都之林壑顧慕而首尾不差向背而東西

必度死生契闊知歸骨之莫從視瞻無回念舊鄉之可  
樂矧茲異質蘊彼仁心寧九尾之足尚實三德而可欽  
豈不以懷舊誠切戀主志深等太公之於齊終聞返葬  
比莊烏之去越尚發哀吟想夫溘爾數窮隱然存盼歎  
青丘之永訣想南山之不見其心懷土望故處以增悲  
惟首正丘聊向隅而表戀知其戀本者合於禮戀舊者  
繼乎情何綏綏之陋質叶仁人之美名觀物化感平生  
頤指而千羊讓德頭會而百獸慙獍徒觀其首也不回

心乎惟懇殊聽冰而表智異含沙而招損正有芘之質  
志在慎終委莫赤之容仁無棄本想其美也合於禮者  
鄙墳首之牂羊符戀主之良馬觀跂行喙息之類其數  
則多察樂生念本之徒斯情蓋寡繫一作繫茲獸之可竒  
諒古今而稱之死不擇音嗟逐鹿於往日生而隱霧歎  
玄豹於昔時曷若懷念遠之感軫去故之悲異哉首邱  
之仁也非衆類之等夷

狐聽冰賦

以將濟大川慎其所履為韻

楊濤



風之壯兮長川凝閉狐之聽兮將往復滯慮陷身之有  
咎常屬耳而未濟究陰冰之厚薄聽潛溜之微細蹠足  
將舉故軫隊泉之憂傾首不移酷似枕流之勢豈不以  
稟心回惑澄思精專欲超超以未進恐凝洹之匪堅青  
熒在目懾慄臨川躡彼素姿恐有希夷之韻憂其翠澗  
忽生步武之前何危疑以立身匪果敢以行已不處其  
薄豈陷而止蟲疑之理有殊鶴警之聽可比俯連白之  
上惟恐有聞顧莫赤之軀重其所履若將墜而常怯致

身謂蓋厚而方敢舉趾且夫冰結也徒稱百丈狐疑也何啻三思顧流音之蔑爾增殺氣以淒其同夫不可陷也曷肯聞斯行之所以汜濟等在梁之固保安同履地之時蓋由乎懼彼其融處於不磷雖磴磴而罔釋猶兢兢以克慎馮河有志且居安以思危濡尾是憂故易退而難進觀其俯皓質俛映一作清光惟審固而後行或逗撓而不遑審固而或行或止逗撓而若迎若將猜忌罔恤雖稱妖婦之化戒慎為意未喻君子之防所以志無

堅決狀若虛佇想清流之若驚知素履之有所諒躡虛  
以為警將保全以為大俟無聞而後行豈貽乎滅趾一作  
跡之害

第二

以堅勁之上審  
間始行為韻

滕邁

狐出潛穴冰膠廣川俯晶晶而是聽慮峩峩之未堅於  
是臨渚曲傍河壩疑涓溜之在中虯茸不動審凝洎之  
徹底睢盱欲前足縮縮而心感疑貌綏綏而聽專積素  
之姿逾淨莫赤之容潛映逼嚴凝以屬耳寧悼苦寒思

涸洑以投軀必資餘勁若夫烟橫古岸月照空崖寂無人而久聽紛觸物以多疑聆遠吹之颼颼謂波搖岸曲聞殘錚之浙瀝驚溜斷河湄却曲載移於短步忙懷一作

壤

屢變於妖姿望寒墟之在前庶斯遠矣感夏頌之不

至俯而聽之遠近陰凝淺深風壯念茲道理在此冰上試之以耳猶迴耳之可圖試之以身將退身而何望况復窮陰慘凜川長難審徵春魚之欲上驗時不同比夏蟲之有疑執心彌甚及夫虛盈以測厚薄斯分颯為裊

之毛知不可陷低正丘之首惟恐有聞既勃窣而投趾  
乃凌兢而慎履尋聲不離於聽表處薄恐成於禍始奮  
自擾之迹一却一前曳有花之軀時行時止是知事欲  
審於未萌心無妨於若驚儻躡虛以輕進必履險而忘  
傾則濡尾之憂至溺身之害并異哉一獸之智可以階  
善必聽而配規行者也

教猱升木賦

以仁義在躬教之則進為韻

賈 餗

猱之為物兮敏捷無倫人之設教兮質性是因願升木

之容易豈從師之苦辛於是授以程度使之緣循步步  
彌高同下學而上達孜孜不倦若遊藝而依仁原夫引  
進他材發揮以知不言而化若喻於義指蹤在手所謂  
導而不牽嗜學因心誠宜誘之孔易俾夫趨容所騁迅  
足無累笑碩鼠之五能掩都盧之百戲初疑鴻漸訝走  
險之翩翩卒若熊經忘貼危之惴惴則知夫性自天而  
莫改教率性而斯在失之者進寸而退尺得之者師逸  
而功倍從輪楠之異規隨曲直於真宰故君子將遷於

物必省厥躬彼可適道吾方擊蒙野性既馴自殊於狼  
子怒心不發何愧於狙公牧羊以不鞭為機養雞以似  
木為倣一則行之而未遠一則久之而成教孰與簡易  
為師攀援是資既得心乎愛矣方將教以化之負凌雲  
之材庶幾仰止守墜地之道難可求思至矣哉發彼駿  
驍一作騰賴茲引力足循循而風舉木杳杳而繩直千尋  
雖險亦可超而宛升一跌無虞那肯勃如戰色豈翫物  
以為用將育材而取則所以木不告勞孫惟効順學無

間於時習功自得於日進彼以求易於難致遠由近可  
因茲而立信

玄猿賦

并序

吳筠

前者

一作志

稱周穆王南征君子變為猿鶴小人變為蟲

沙夫神用無方未必不爾筠自入廬嶽則覩斯玄猿嘉

其一

一作夫

雨昏則無聲景霽則長嘯不踐土石超遙於萬

木之間春咀其英秋食其實不犯稼穡深棲遠處猶

一作

獨有君子之性異乎狙猿之倫且多難已來庶品凋敗



麋鹿殫於網罟遺眙困於誅求此獨蕭然物莫能患豈

不以託跡負

一作冥

絕不才遠禍昔夫子雖

一無此字

歎山梁

唯雉曰時哉時哉予因感之聊以作賦云耳

伊玄猿之所育于南國之層岑動不踐地居常在林雖

泛泛而無據亦熙熙而有心雲

一作霧

嵐昏而共默風雨

霽而爭吟使幽人之思清暢羈客之涕霑襟何必聆嶰

谷之管對雍門之琴哉歷千尋之喬木俯萬仞之危嶠

弄遊雲之亂飛嬉落日之橫照連肱澗飲命侶煙嘯一作

哨一作或聚而間棲或分而迥趨壽同靈鶴性合一作本君子

阻重巖之險非虎豹所履蔭交柯之密豈鷓鴣能視故

逢蒙操弓彈一作彈一作高深而止鄧公折箭含慄隱而已何

患累之罕臻不干物以利已詎若獷獷一作狒狒一作凌人以就

戮猩猩甘酒而造死夫時珍貂裘世寶狐白彼徒一作徒一作能

工於隱伏終見陷於機辟麝懷香以賈害狙代一作伐一作巧

而招射小則翡翠殞於羽毛大則犀象殘於齒革孰能

去有用之損取無用之益因一作固一作棄置於常情永逍遙

以自適無威刑相臨有族類相親

一作無威刑以相臨有族類而相親

食

資諸物衣取諸身不賦不役靡勞靡勤如政教之未絕

保巢居之淳淳匪虞代

一作氏

之所及何狙公之能馴吾

固知人為萬物之貴又焉測元化之所大均乎

### 馴猿賦

李子仞

節彼南山宛出人寰天分翼軫地界荆蠻標竒峰於海上置高嶺於雲間千林翁鬱萬壑幽閒蓄霧藏煙信洪爐之造化匪朝伊夕即玄猿之往還爾其秉質玄造游

心遠峰徹三聲於谷靜藏萬影於山重  
聯綿綠竹牢落青松其捷難紀其居易容不衍  
文章輕霧中之隱豹豈矜變化賤雲裏之非熊  
但恣乎任情之樂寧知乎有智之凶既而列卒籠山  
張羅竟野陣影開鶴雲光亂馬迫吳質之檻中驚楚臣之箭下  
既歎拙謀還傷力寡踰峰越嶂宛辭岑寂之居歷暑離寒歛就喧卑之舍於是屈  
猛從繫宛安順遊顧步蘭砌因依蕙樓跼標影之高下  
挫疑人心之去留載馳載驅異追風之整轡或驚或躍

同在水之銜鈎日潛餘巧空長孤愁悲夫自貽伊戚信  
美非珍雖徘徊於厚養終惆悵以勞神夜廡幽陰憶南  
隴之吟月花朝明媚想喬林之弄春未屬放麇之慙且  
從飛雀之馴已矣哉樂鷄以鼓載廳以車固不如深林  
之棲息窮谷之虛徐諒物性之同此希達人之鑑諸

傷斃犬賦

闕名

何仲尼之仁智雖蔽蓋之不棄憫畜狗之將死恐肝腦  
以塗地豈不以其守禦之功多惻隱之情至况歲年馴

養倏忽非命生而效能死不因病分以身首委其陷窞  
我誠拙於人謀彼何傷於物性雖無衛生之智且有天  
然之識出其門吠非其主知其愛搖尾求食傳尺書而  
致遠逐狡兔而盡力信聰慧之兩兼亦忠勇而何極原  
夫萬物莫不以智遇禍以材喪身象以其齒龜以其神  
蟬得美蔭而忘已魚貪芳餌而挂綸由此言之莊周達  
者老氏至人吾將師之養素全真

文苑英華卷一百三十四

欽定四庫全書

文苑英華卷一百三十五

宋 李昉等 編

鳥獸五

鸚鵡賦一首

白鸚鵡賦三首

寒梧棲鳳賦一首

江曲孤鳧賦一首

馴鳶賦二首

白鷗賦一首

大鵬賦一首

鯤化為鵬賦一首

鬪鴨賦一首

鸚鵡賦

李伯藥

嘉靈禽之擢秀資品物以呈祥含金精於兌域體耀質  
於炎方候風海而作貢備黼黻以成章繡領綺翼紅衿  
翠裳飾以朱紫間以玄黃碧雞仰而寢色金鵝對以韜  
光亘萬里之重阻隨四夷而來王既逾嶺以自致亦凌  
江而遠翔開神情之聰辨發樞機而抑揚粵惟上聖先  
天成命在萬物而畢覩舉四海而咸鏡仁沾草木信暨  
翔泳咨此鳥之來儀亦攝生而遂性辨方物於圖象具



靈表於言詠酬對清敏發吐祥正寔靡靡而可悅雖喋  
喋而無競徘徊阿閣容與堂皇背風雲之遐路承日月  
之休光聽簫韶之逸響味椒掖之餘芳更無歎於羅罽  
終懷恩於稻梁齊鵬鷃於一指屬鸛鷖而兩忘翠融孔  
質鴻騫鸚跼應舞節以鸞回慕知來而鵲起先假道於  
朱味方徐行於紺趾配六象以表德叅四靈而效祉庭  
開霧夕景淨霞空乍褰珠網始出金籠遊萬年於木末  
既四照於花叢窺仙盤而飲露登井幹以承風懷故鄉

之遠思戀羈雌之舊侶望天衢以寄聲託歸飛而延佇  
不假物以自衛必任真於出處以薄伎而見知亦無憂  
於鼎俎不違道以飾智故忘情於所語豈止往來丹陛  
周旋玉除悅芝英之藿靡愛蕙英之扶疎將以整六翮  
而遐逝望一舉而冲虛希九成之兆吉覲七日以傳書  
時光華而始旦歲蹉跎而遽晚彼候鴈與賓鴻違風霜  
而未返嗟銜蘆以避繳恨日暮而塗遠羨嚶嚶之好音  
獨遷喬於上苑仰上林之爽塏襲崑閭之重規寔神秘

之栖息萃羣飛之羽儀翔靈囿遊天池翳叢薄汎連漪  
况能言之擅美冠同類以稱竒奉皇恩之亭育將謝生  
而莫施惟一人之有慶願千歲其若斯

白鸚鵡賦

以容日上海孤  
飛色媚為韻

王維

若夫名依西域族本南海同朱喙之好音變綠衣於一作

而素彩唯茲禽

一作鳥

之可貴諒其美之斯在爾其入翫

於人見珍竒質狎蘭房之妓女去桂林之雲日易喬枝

於一作羅袖代危巢於

一作以

瓊室慕侶方遠依人永畢

託言語而雖通顧形影而非匹經過珠網出入金鋪單

鳴無應隻影長孤偶白鷗於池側對皓鶴於庭隅愁混

色而難辨每願一作知名而自呼明心有識懷恩何無一作

極芳樹絕想雕梁撫翼時銜花而不言每投人以方息

慧性孤凜雅容非飾含火德之明暉被金方之正色至

如海鷺呈瑞有玉筍籠一作之可依山雞學舞向瑤寶一作

鏡而知歸皆毛羽羽一作之偉麗奉日月之光輝豈憐茲

鳥地遠形微色凌紈質彩奪繒衣深籠夕閉喬木長違

倘見借於

其一作其

羽翼與遷鶯而共飛

凡一作皆文粹及集本無韻脚三賦雖注八韻今  
第一第二並止五韻疑唐制不同當考

第二

同前韻

闕名

稽聖人之遺文懿珍禽之不一彼善言之靈鳥孕聰明  
以自逸苞火德之竒姿誕金方之素質匪含章以就殞  
故遠時而襲吉憐碧山之孤高恃疑榮松之蔽密傳衆  
音於清吹疑白華於皎日由是既飲既啄載留載飛觸

雲網以摧羽閉彫籠而見歸豈不由蓄素姿以羅患懷  
海陰而遂違雖失羣以傷指亦順人而可依登玉架覘  
朱闈苟安性以知樂每求容而自微雪膚皎晶擯池鷗  
之光潔霜毛瑩淨奪軒鶴之清輝且其翔不忘止居必  
任疑側莫厭傳弄豈驚撫拭狎君子之光儀遠虞人之  
網弋感珍念而矜眷託恩馴以棲息而愛其豐姿冰華  
金疑作體玉色匪鷓彩之爭妙何衆禽之比德呼名自  
應隔羅幔而飛來教語半成學美人之漸逼故對綺琴

而傾聽上金屏而歛翼蒙正平之翰藻應司空之寵識  
夫玄默者動之所求潔素者默之攸尚矧聰性以受絃  
悲惠心之為亮抗幽意於霞表羨高儔於海上彼不材  
分見留此能言兮何妄或曰物惡近以招累理貴遠而  
無凶雖道形以取美獨抱清而不從豈知夫善生者託  
人以遠害能壽者輔德以自容是以承君子之恩渥獨  
蒙幸以遭逢者也

第三

以容日上飾孤  
飛色媚為韻

郝名遠

珍禽生矣于彼南域稟離宮之淳精得金方之正色明  
而且慧聰而多識雖羽族之殊流與人智而同德懿其  
霜毛雪毳鮮襟皓臆明眸珠朗脩趾頰飾理翮整翰仰  
雲路而翻飛自邇陟遐託風林以棲息及夫出層嶠集  
高松刷勁翼端麗容遇天網之四掩獻君門於九重用  
能辭羣別類重譯而至閉以雕籠處之丹地夫違忤則  
傷性常順旨以從人垂背一作背道則喪生不貪榮以求媚  
爰一作變遊上都隻影長孤懷好音而願語每每稱名而自



呼當其踰山越嶂萬里遐曠常恐微軀毀全無妄豈知  
承曲成之惠渥奉君子之嘉貺朝食琅玕之實夜宿畫  
梁之上而已哉顧慕多違自惜容輝夢鄉山而歆戀思  
思波而不飛獨有邈乎長想忻然志逸效彼珍寶瑞我  
帝室坐使素烏惡彩白鷗慙質苦炎洲之愁霧嘉長安  
之聖日信能言之見知接鶯谷而同出

寒梧棲鳳賦

以孤清夜  
月為韻

王勃

鳳兮鳳兮求

一作來

何所圖出應明主言棲高梧梧則嶧

陽之珍木鳳則丹穴之靈鷄理符有契誰言則孤遊必有方哂南飛之驚鵲音能中呂嗟入夜之啼烏況其靈光蕭散節物淒清疎葉半殞高歌和鳴之鳥也將托其宿之人也焉知此情月照孤影風傳暮聲將振耀其五色似簫韶之九成九成則那率舞而下懷彼衆會罔知淳化雖碧沼可飲更能適於醴泉雖瓊林可棲復憶巡於竹榭念是欲往敢忘晝夜苟安安而能遷我則思其不暇故當披拂寒梧翻然一發自此西序言投北闕若用之

銜詔冀宣命於軒堦若使之遊池庶承恩於歲月可謂  
擇木而俟處卜居而後歇豈徒比跡於四靈常栖栖而  
沒沒

江曲孤鳧賦

并序

王勃

梓州之東南涪江之所合有潭焉周數十步青壁絕地  
綠波澄天常有孤鳧栖蕩其側飛沉翻喙而天性不違  
嗟乎宇宙之容我多矣造化之資我厚矣何必處華池  
之內而求稻粱之恩哉遂作賦曰

靈鳳翔兮千仞大鵬飛兮六月雖憑力而易舉終候時而

難發不如深澤

集作潭

之鳥焉順歸潮而出沒迹已存於江漢心

非繫於城闕吮紅藻翻碧蓮刷霧露栖雲烟迫之則隱馴之  
則前去就無失沈浮自然爾乃忘機絕慮懷聲弄影乘駭浪  
而神驚漾澄瀾而趣靜耻園雞之戀促悲塞鴻之赴永  
知動息而多方屢沿洄而自省故其獨泛單宿全真遠  
致反復幽溪淹留勝地傷雲鴈之嬰繳懼泉魚之受餌  
甘辭稻粱之惠焉而全飲咏之志也

馴鷺賦

王勃

海上兮雲中青城兮絳宮金山之斷鶴玉塞之驚鴻謂  
江湖之漲不足憇謂宇宙之路不足窮終銜石矢坐觸  
金籠聲酸夕露影怨秋風已矣哉何氣高而望濶卒神  
賴而智癢徒驚迹於仙遊

集作  
遙

竟纏機於俗網未若茲

禽猶融泛想慙丹丘之麗質謝青田之逸響與道浮沉  
因時俯仰去非內懼馴非外將夫勁翮揮風雄姿觸霧  
力制煙道神周天步鬱霄漢之弘圖受園庭之近顧質

雖滯於城闕策已成於雲路陳平負郭之居韓信昌亭之遇似達人之用晦混塵濛而自託類君子之含道處蓬蒿而不怍悲授餌之徒懸痛聞弦之自落故爾放懷於誕暢此寄心於寥廓

第二

盧照鄰

孕天然之靈質稟大塊之竒工背距足以自衛毛羽足以凌風懷九園之遠志託萬里之長空陰雲低而含紫陽景升而帶紅經過巫峽之下惆悵彭門之東既而摧

頽短翮寥落長想忘蒙莊之見欺哀武溪之莫往進謝

扶搖之力退慙歸昌

文選注  
風聲也

之響腐食多懼層巢無象

屈猛性以自馴抱愁容而就養於是旁眺德門言棲仁  
路不踐高梁之屋翔止吾人之樹聽鳴鷄於月曉侶一作

遠

羣鵲於星暮狎蘭砌之高低翫荆扉之新故循廣庭

之一息歷長檐而徑度若乃風去雨還河移月落徘徊

亂於雙燕鳴舞均乎獨鶴乍哨聚於露

集作  
霞

莊時追飛

於雲閣荷大德之純粹將輕姿之陋薄思一報之無階

欣百齡之有託

白鷗賦

并序

蕭穎士

白鷗羽族之幽竒

一有也字

素質黑章爪紫純丹體備冠距

頗類夫雞翟神貌清閑不雜

一有於字

象禽栖心

一作止

遐深

與人境罕接固莫得而馴狎也上聞而徵

一作收焉處以

雕籠致以驛遽

一作騎

是將集長楊游太液行有日矣天

寶辛郊

一有歲字

予飄

一作旅

泊江介

一作會

流宕踰時秋八月

自山陰前次東陽方議夫南登西泛極聞見之義諒褊



懷所素蓄而未之從也會有命自天召赴京闕適與茲

鳥偕至于會稽

一有之字

傳舍觀其宛頸旁睨迴惶

一作徂

掩

抑往往孤鳴音韻淒涼如慕侶而不獲因感而賦之曰

鳥之生矣于彼南山彩必玄素文不綺斑備文武之正

飾懋

一作微

妖姬之殊顏情莽眇以耿潔貌軒昂以安閑

無馴擾之近性故不愜於人寰遊必海裔栖必雲間曾

一作冀

養拙以自保祛未萌之憂患不然豈陋彼都邑之

佳麗顧投身乎阻艱以至

一作其

標自然之靜故名之曰

白鷗者歟何天聽之緬邈辱微禽之瑣細偶一日一作目

之見羈委微軀以受制望層城以斂翼懷衆侶而孤唳

從廐置之駿奔仰君門以遐逝君門兮九重洞杳一作

窅兮穹崇池太液兮島方壺萬族翔泳乎其中晝聒未

央之繁絃夕驚長樂之虛一作靈鐘顧踈野之踐一作賤迹

豈敢求一枝而見容越水清兮鏡色吳山遠兮天逼窺

淺深以飄颻一作颻影逗清一作香冥兮一息謂杉松可得永

日而噪聚萼荇足以窮年而喙一作啄食一與心賞兮睽

違念歸飛兮何極鸚能言而入座鶴善舞而登軒殊二者之常一作俗態諒慙惶於主恩是以雖信美而非其志獨屏營而兢魂者焉 凡一作皆文粹

大鵬賦并序

李白

子昔於江陵

文粹有口字

見天台司馬子微謂余有仙風道

骨可與神遊八極之表因著大鵬遇希有鳥賦以自廣

此賦已傳于世往往人間見之悔其

集粹有少作二字

未窮宏

達之旨中年棄之及讀晉書觀阮宣子大鵬贊

集作鄒讚

心頗陋其作

六字集作鄙心陋之

遂更記憶多將舊本不同今復

存於

集粹無於字

手

集粹作于

集豈敢傳諸作者庶可示之子弟

而已其詞曰

南華老仙發天機于漆園吐崢嶸之高論開浩蕩之奇

言徵至怪於齊諧談北溟之有

粹作巨

魚吾不知其

集粹無其

字

幾千里其名曰鷗化成大鵬質凝胚渾脫脩鱗

二字集作

鬣于海島張廣翅

集作羽毛

于塞門

集粹作于天門

刷渤澥之春流

晞扶桑之朝暉烜赫

粹作赫奕

乎宇宙憑凌乎崑崙一鼓一

舞煙蒙

集粹  
作朦

沙昏五嶽為之震蕩百川為之沸騰

集粹  
作崩

奔

爾乃蹶巨壑

集作踏  
厚地

陵

集作  
揭

上清

粹作摩  
太清

左迴右旋

倏陰忽明激三千以崛起搏

集作  
向

九萬而迅征背岌泰

山之崔嵬翼舉垂

集作  
長

天之縱橫

自左迴至縱橫三十  
四字集粹作亘層雷

突重溟激三千以崛起搏九萬而迅征背岌泰山之崔嵬翼舉垂雲之縱橫左迴右旋倏陰忽明歷汗漫以天

矯排閭闔  
之崢嶸

簸鴻濛扇雷霆斗轉而天動山搖而海傾

集粹

有怒無所搏雄無所爭固可想  
像其勢髣髴其形若乃二十字

足策

集粹  
作縈

虹蜺目輝

集粹

作耀日月連軒杳拖揮霍翕忽噴氣則六合生雲落

集作  
灑

毛則千里飛雪邈彼北荒將窮南隅

集作圖

塊視三山杯

觀五湖燭龍銜光以照影列缺施鞭而啓途

塊視至啓途二

十二字集粹作運逸翰以旁擊鼓奔馳而長驅燭龍銜光以照物列缺施鞭而啓途塊視三山杯觀五湖

其動也神應其行也道俱

集粹有任公見之而罷釣有窮不敢以彎弧莫不投竿失

鐵仰之長吁爾其雄姿壯觀映背河漢三十四字

上摩蒼蒼下覆漫漫盤古開天而

直視羲和倚日以旁歎繽翻

集作紛

乎八荒之間隱

集作掩

映乎四海之半橫大明而掩晝

集作當胸臆之掩晝

若渾沌

集作混茫

之未判忽騰陵

集作覆

以廻轉

集作旋

則霞廓而霧散然後

六月一息至於天池

集作海酒

溟漲沸渭丘陵遷移長鯨扶

粟以辟易巨鼇攝竄而踐踞窮洪荒之壯觀浮萬里之

清漪借如羽蟲三百鳳為之王或歎不至時無望遑猶

迫脅於雲羅乃賢哲之所傷彼衆禽之瑣屑同蟪蛄之

渺茫

自溟漲至渺茫共七十六字文粹作歛翳景以橫  
搆逆高天而下垂憇乎決漭之野入乎汪洋之池

猛勢

所射餘風所吹溟漲沸渭巖巒紛披天吳為之怵慄  
集作怵慄海若為之踐踞巨鼇冠山而却走長鯨騰海

而下馳縮殼挫鬣莫之敢窺吾亦不測其神怪而若此  
盖乃造化之所為豈比夫蓬萊之黃鸚誇金衣與菊裳

耻蒼梧之玄鳳耀彩質與錦章既服御于靈仙亦集作  
久馴擾于池隍精衛慙慙集作勤苦于銜木鷓鴣悲愁

乎薦

天雞警曙于蟠桃跋鳥炳

集作

耀于太陽不曠蕩

而縱適何拘攣而守常未若茲鵬之逍遙無厥類而比

方

集粹有不矜大而暴猛每順時而行藏參玄根以比壽飲元氣以為漿二字集作充鵬戲賜谷而徘徊憑

炎洲而抑揚

俄而希有

集有鳥字

見而謂之曰偉哉鵬乎若

此字此之樂也吾左

集作

翼掩乎東

集作

極右

集作

翼

蔽乎西

集作

荒

集粹有跨躡地絡周旋天綱八字

以恍惚為巢以虛無

為場我呼爾遊爾同

集作

我翔於是大鵬許之欣然相

隨此二禽已登于寥廓而尺鷃之輩空見笑于藩籬



鯤化為鵬賦

高邁

北溟有魚其名曰鯤橫海底隘龍門眼睜睜而明月不  
沒口呀呀而脩航欲吞一朝乘陰陽之運遇造化之主  
脫我鬚鬣生我翅羽背山橫而壓海峩峩足山立而偃  
波揭豎張皇聞見卓犖今古過魯門者累百曾莫敢覩  
來條支者成羣又何足數既負此特達壯心亦有取也  
若乃張垂天激洪漣海若簸其後陽侯騰其前洶如也  
皓一作皎如也蛟螭為之悚一作怛怖洲島為之崩騫如此

上未上之間邈矣三千接海運搏風便飛廉倏而走羊  
角忽而轉勃如也蓬如也雲溟為之光掩山澤為之色變  
如此高未高之間騰夫九萬足踏元氣背摩太清指天  
池以遙集按高衢而迅征時與運並道與時行遺天闕  
之類放逍遙之情如此自一日亘千歲陰數與陽數際  
乃下夫南溟之裔嗚呼誰無借便之事九萬三千故非  
常情之所希冀誰無廻翔之圖一翥六月故豈常情之  
所覬覦由此言之則鳳凰上擊誠未得其錙銖鴻鵠一

舉適可動其盧胡况鶴鷓一作郭鶴之輩尺鷃之徒易安易

給其足其居須臾之間騰擲無數齷齪之內翩翻有餘

伊小大之相紀亮在人而亦爾凌雲詞賦滿腹經史婆

娑獨得翫骯自是不大遇不大起謂斯言之無徵試假

借乎風水看一動一息凡歷天機一作夫幾千萬里

鬪鴨賦

李邕

東吳王孫笑傲閭門魚橫玉劍蟻沸金樽賓僚霧進遊  
俠星奔桂舟兮錦纜碧澗兮花源爾乃輟輕棹登水閣

絲管遞進獻酌交錯雲欲起而中留塵將飛而遂落既而酣歌徒座取物為娛徵羽毛之好鳥得渤澥之仙鳧出籠而振少步而趨喑喋爭食襪褌帶雖隨綠波而澹淡向紅藻而傲愉鳧之為物也詭類殊種遷延遲重其

聚則同而不和其鬪則仁而有勇參差聳軋疑作軋飄疑作

颯颯沓繽紛其浮蔽水其旋如雲共洽波而弄吭各求匹

而為羣繞菰蒲而相逐隔洲渚而相聞於是乎會合紛泊崩奔鼓作集如異國之同盟散若諸侯之背約迭為

擒縱更相觸搏或離披以折衝或奮振以前却始戮力  
兮決勝終追飛兮襲弱聳謂驚鴻廻疑返鵲逼仄兮掣  
裔聯翩兮踴躍忽驚迸以差池倏沉浮而閃爍號噪兮  
沸亂傾耳為之無聞超騰兮往來澄潭為之潰蘆排錦  
石蹴瓊沙披羽翰簸煙霞避參差之荇菜隨菡萏之荷  
花駐江妃之往棹留海客之歸槎而乃擁津塞浦辨觀  
如堵空里鄺旬厲天蛙黽兮失穴龜魚兮透泉專場之  
雞沮氣傾市之鶴慙妍其為狀也不一其為態也且千

豈筆精之所擬非意匠之能傳良戒之於在鬪俾聞義  
而忘筌

文苑英華卷一百三十五

欽定四庫全書

文苑英華卷一百三十六 宋 李昉等編

鳥獸六

鷓鴣賦一首

鷓鴣賦二首

蒼鷹賦一首

放籠鷹賦一首

白鷹賦一首

一鶚賦一首

射隼高墉賦二首

鷓鴣賦

并進表

杜甫

臣甫言臣之近代陵夷公侯之貴磨滅鼎銘之勲不復  
照耀於明時自先君恕預以降奉儒守官未墜素業矣  
亡祖故尚書膳部員外郎先臣審言脩文於中宗之朝  
高視於藏書之府故天下學士到于今而師之臣幸賴  
先臣緒業自七歲所綴詩筆向四十載矣約有千餘篇  
今賈馬之徒得排金門上玉堂者甚衆矣唯臣衣不蓋  
體常寄食於人奔走不暇祇恐轉死溝壑安敢望仕進  
乎伏惟明主一作天子哀憐之一有明主二字儻使執先祖之故事



拔泥塗之久辱則臣之述作雖不足以鼓吹六經先鳴  
數子至於沉鬱頓挫隨時敏捷而揚雄枚臯之流庶可  
跂及也有人如此陛下其捨諸伏惟明主哀憐之無令  
役役便至於衰老也臣甫誠惶誠恐稽首頓首死罪死  
罪以為鷗者鷲鳥之殊特搏擊而不可當豈但壯觀於  
旌門發蹤於原隰引以為類是大臣正色立朝之義也  
臣竊重其有英雄之姿故作此賦實望以此達於聖聰  
耳不揆蕪淺謹投延恩匭進表獻上以聞謹言

此表六百十卷重出今削去

當九秋之清淒見一鶚之直上以雄材為已任橫殺氣  
而獨往稍稍勁翻肅肅遺響杳不可追俊無留賞彼何  
鄉之性命碎今日之指掌伊鷲鳥之累百敢同年而爭  
長此鷗之大畧也若乃虞人之所得也必以氣凜一作稟

玄冥陰乘甲子河海蕩瀟風雲亂起雪涸山陰冰纏樹  
死迷向背於八極絕飛走於萬里朝無以一作所充腸夕

違其所止頗愁呼而蹭蹬信求食而依倚用此時而極

杖待弋者而網紀表狎羽而潛窺順雄姿之所擬歛捷  
來於森木固先繫於利觜解騰攫而竦神開羅網而有  
喜獻令一作全之課數備而已及乎閩隸受之也則擇

其清質列在周垣揮拘攣之掣曳挫豪梗之飛翻識畋

遊之所使登馬上而孤騫然後綴以珠一作飾呈於至

尊搏風搶鼎用壯旌門乘輿或幸別館獵平原寒蕪空  
闊霜伏喧繁觀其夾翠華而上下卷毛血之崩奔隨意  
氣而電落引塵沙而晝昏豁堵墻之榮觀棄功效而不

論斯亦足重也至如千年孽狐三窟狡兔恃古塚之荆

棘飽荒城之霜露迴惑我往來趨趨我場圃雖有一無

此字

青骹戴角白鼻如瓠蹙奔蹄而俯臨飛迅翼以一作遐

寓而料全於果見迫寧遽屢攬之而頽脫便有若於神

助是以哢哮其音颯爽其慮續下鞬而繚繞尚投跡而

容與奮威逐北施巧無據方蹉跎而就擒亦造次而難

去一竒卒獲百勝昭著夙昔一作多端蕭條何處斯又

足稱也爾其鷓鴣鴉鵙之倫莫益於物空生此身聯拳

捨穗長大如人肉多奚有味乃不

二字一作不足

珍輕鷹隼而

自若託鴻鵠而為隣彼壯夫之慷慨假強敵而逡巡拉  
先鳴之異者及將起而遙臻忽翮天路終辭水濱寧掩  
羣而進取且快意而驚新此又一時之俊也夫其降精  
於金立骨如鐵目通於腦筋入於節架軒楹之上純漆  
光芒掣棟梁之間寒風凜烈雖趾躄千變林嶺萬穴擊  
藜薄之不開突杈枒而皆折此又有觸邪之義也久而  
服勤是可吁畏必使烏攫之黨罷鈔盜而潛飛梟怪之

羣想英靈而遽墜豈比乎

二字一作非

虛陳其力叨竊其位

等摩天而自安與槍榆而無事者矣故不見其用也則

晨飛絕壑暮起長汀來雖自負去若無形置巢截嶽養

子青冥倏爾年歲茫然闕庭莫試鈎爪空迴斗星衆雛

儻割鮮於金殿此鳥以一作已將老於巖扃

凡一作皆文粹及集本

鵲賦

李邕

伊鷲鳥之雄毅有俊體之超特意凝緩而無營體閒整

而自得陰沉其情

精一作

慘淡其色固未足以異於衆禽

也夫一指一呼一擊一搏為主之用騁人之樂凜然神

動翕然氣作殞三窟之狡兔斃五里之仙鶴騰霄漢而

風卷透原野而星落萬乘為之顧盼六軍為之揮霍歡

聲動於天地逸氣靄於林薄至若逐烏舛類射隼殊名

獲不相讓遊不同征何至德而肯

疑

制每協義而不爭

偶坐推食雙飛和鳴殺敵齊力登樓比形夫其嚴冬洎

寒烈風迅激或上棘林或依危壁身既稟於喬木骨將

斷於貞石營全鳩以自暖罔害命以招益信終夜而懷  
仁仍詰旦而見釋矧乃戀主不去徇食猶止豈貪利而  
永言將効誠而必死甘閉於籠分從於使寧竭力之利  
人曷戢翼以存已則知負力干勢爭啄奪肉始飛聲而  
遠引忽側翅而橫蹙遇之者天當之者覆壯士感之驚  
歎行子羨之廻眺故能連擊縱便臨事莫違一起雲以  
高舉一隨物以低飛馳逐妙於人智促節合於兵機禽  
雖小而不陋獸雖捷而無依或則九霄擊下萬里

一作  
文



接來風行電轉月上雲開乍差池而不中終棄置而不  
迴彼俊異之英決豈凝滯於嫌猜觀夫愛子防巖惜巢  
忌物吻一作聲戛戛而雄厲翅翩翩而勁逸背距者先中  
而命處錦疑作綿變者異狀而同疾苟精別而棲條同賞  
心而無失

奉和鶻賦

并序

高適

天寶初有自滑臺奉太守李公鶻賦以垂示適越在草

野一作澤才無能為尚懷知音遂作鶻賦其詞曰

夫何鷗之為用置之則已縱之無匹懷果斷之沉潛任  
情性之敏疾頭小而銳氣雄而逸邈耿介以凌霜目精  
明而點漆想像遼遠孤貞深密將必取而乃廻若受詞  
而無失當白帝之用事下青霄一作入青雲而委質乃順一作

徇節而

一作以

勃然因指蹤而挺出嚴冬欲雪蔓草初焚

野莽蕩而風緊天崢嶸而日曛忿頑

一作願

兔之狡伏耻

高鳥之成羣始滅沒而畧地忽昇騰而躡

一作參

雲翻決

裂以電繫

一作擊

皆披靡而星分奔走者折脇而絕脰鳴

噪者血灑而毛紛雖百中而一作自我終一呼而在君

夫其左右更進縱橫發跡掃窟穴之凌兢振荆榛之折

歷一作滙翕六翮以直上交雙指以迅擊合連弩之應機

類鳴髀之破的豁爾胃臆伊何凌厲以爽朗曾莫薑芥

豈虞夷險之三字亦作怵惕觀其獲多不三字亦作有

得用非媒歷閭闔以肅穆翊鈎陳以一作環回幸耀一作

輝光於蒐狩承剪拂於棲臺望鳳沼而輕舉紛羽族以

驚猜路杳杳而何尚一作雲茫茫而不開鶯出谷而一作

兮徒爾鶴乘軒而何哉彼懷毅勇軾軻而棄置胡不效

其間關而徘徊爾乃顧恩有地戀主多情念層空而不

去一作起託虛室而一作以無驚雅節表於能讓義心激於

効誠勢愈一作逾高而下急體彌重而飛輕戢羽翼以受

命一作知若肝膽之必呈嗟日月之云邁猶羈縻而見嬰

別有橫大海而徑度順長風而一馮投足眇於巖巔脫

身逸一作冥於弋者冰落落以凝閉雪皚皚而飄灑諒堅

銳之時一作持然寧苦寒以一作之求捨匪聚食以祈滿聊

擊羣

一作鮮

以自假比玄豹之潛形同幽人之在野矧其

升巢絕壁獨立危

一作霜

條心條忽於萬里思超遙於九

霄豈外物

二字一作別物

之能慕曷凡禽之見邀

一有則字

未知駕

鷺之所以適

一作適

孰與夫鵬鷃之分

一作分

逍遙云爾哉

凡一作皆集本

蒼鷹賦

闕名

中

疑

靈繁毓萬象周流綜羣物之衆夥懿羽族之齊侔

俱含識與哺啄終愧容於爽鳩散以瑤光之彩來自鍾

巖之丘周官以司寇比德漢氏以將軍作儔鈞成利嘴  
電轉竒眸蒼姿壘色玄距聯講至于長楊大獵雲夢時  
蒐寒光送曉霜氣橫秋頓平原而巨弋截洞壑以張杲  
野霧初霽朝陽尚早於是排空漢飛絕島奮之鼓之載  
擊載討凌紫氣而蔽日下平皋而覆草歸鴻失四飛之  
路狡兔亡三窟之道夫品彙之功用之非器至於表德  
頗亦千致仙莫過龍駿莫過驥鵬垂天以圖遠劍斷甲  
以稱利夫其庶類之呈能未若茲禽之為鷲固得緹牒

再演史臣攸記逐彼鳥雀然明之對國僑擊于殿上要  
離之讐慶忌且般樂之遊君子未適禽荒是戒哲王盛  
績太康洛汭一作水之表已驚一作怒不還李斯上蔡之門  
情何更溺覽二君之喪道每觀事其如惕幸免射於高  
塘願搏風而上擊

放籠鷹賦

以無育斯禽以明惡殺為韻

張 謩

貞元初敷文教於率土念畋遊之無度啓鷙鳥幽繫之  
中示皇家不私之務將以致仁壽明好惡雕籠永閉念

受紕之多虞金架爰辭俾凌風而得路由是縱逸翰於  
寥廓釋猛志於扃固當其海晏時清天高日明離習習  
之恩重視蒼蒼而體輕捨靈檻而方銳歷秋林而上征  
乍遂翻空出君門而不返遙憐厲吻過宮樹而猶驚洎  
夫卹彼幽閒順茲棲止用成端拱之化將盡好生之理  
足使去讎上而無疑顧人間而何以昔因殊顧幸肉食  
以見羈今降深衷忽雲翔而有始故得脫身聖代矯跡  
天衢方縱心於萬里詎斂翼於四隅山藪之思俄失嘴



距之衛寧無然則播仁風於垓北乃順時以止殺戒逸  
氣於荒淫故無用於茲禽豈俟夫養育之勞既久徘徊  
之懼彌深雖多士盈朝無聞諫獵故黔首在下盡得歡  
心則知信及纖微念茲棲宿庶羣情而知感期衆類之  
蒙福遂使擊搏之性將翽將翔乳哺之心既生既育是  
用保其鴻業建此深規惠澤爰臨整羽儀於戶牖微誠  
既展遂鳥雀於藩籬信九霄之可託將一舉而在斯

白鷹賦

闕名

於爍明德兮動休徵縈墨綬兮效素鷹朱草一作如之

何所縈一作縈則止玉壺如之何所飲則承借如紫巖碧

流煙深樹幽產驚成羽自春徂秋含陰陽之淳粹任天

地之剛柔懷好音與好質非成色而不求厭羽毛於原

野戀主人而即留嗟乎含情履潔象君之節厲吻鈎銳

淖毛玉截遷河陽之喬木一點清花映武城之瑤琴孤

飛春雪昔王魯同勲賢哉二君或雉隨黃壤或鸞下青

雲莫匪白鷹之為最况復見之與所聞良以出自幽谷

遷於華屋霜飄上衣星流入目涅而不緇惟公象之比  
德於玉象公不欲匪我政表來儀者何致之由德翫物  
則那思君子以馴擾不避虞人之網羅蓋以少而取貴  
豈同乘鴈之為多

一 鶚賦

以凌厲清浮羽翰無匹為韻

楊弘真

禽之鷙者鶚兮挺生不翻翻以羣萃自耿介以孤貞羽  
族之中雖彼衆而我寡雲路之上如特立而獨行固將  
殺敵無匹擊鮮莫京豈惟拂之於平野翫之於太清哉

卓彼雄姿凜乎壯觀或危石以礪吻或高柯而整翰搏  
鳩之隼不敢飛揚逐鷺之鷗望而伏竄及夫當殺節乘  
勁秋雙眸電擊六翮雲浮仰之彌高方一舉而千里翔  
而後集耻乘居而匹遊既而變金風驚商律不類聚以  
頽頽自孤飛而厲疾介然直下固不可以同羣邈矣獨  
翔諒有殊於喪匹磨疑作碧落而上騰與紫氣而相凌  
自樂其絕侶無求於得朋鷹揚者迎之而不逮鷗悍者  
攀之而不能莽蒼天高悠揚日霽自暇自逸倏來倏逝何

剛者而不懼何勅者而不制風毛雨血

見張衡西京賦

在嫉惡

而無遺草伏木棲咸畏威而若厲明心不測利用則殊  
以少為貴匪繁有徒想像乎八紘之間視遠如邇隱映  
乎九霄之際出有入無諒搏擊而不競豈蒐狩而弗圖  
是知禽之凡者雖累百而何補士之傑者將無雙而必  
取亦猶務利嗜刷迅羽雖多亦奚以為固非一鷄之為  
伍

射隼高墉賦

以君子藏器待時為韻

敬騫

養形玄豹兮以隱霧而成文振羽飛蛾兮因附火而自  
焚彼紛然之落隼識昧此而喪羣誠不知高非小者所  
處靜為躁者之君苟失度而接疑適將受斃而何云且  
夫長壙崇崇矗若雲峙飛隼毳毳倏隨風止曾不料其  
微陋焉更知其休否故疾惡之夫善射之子操騂角之  
弓調白羽之矢縱穿楊之妙呈落鴈之美量遠近於目  
端審高下於規裏紛洞冑而達腋果裂素而破背原夫  
剛鏃初架勁絃正張引彎彎之月影迸的的之星光鏗

毛羽之振迅挫容貌之昂藏審必中而後發固焉用而不減若乃處身順理投跡知常時決起而無滯或怒飛而有方煙雲足以遐賞翳蒼足以來翔必絕捐軀之患豈貽在穀之殃是則素有雋志往無不利藏器者人獲隼者器矢應弦而上激禽應矢而橫墜微隼諒比於小人高墉亦方於重位苟不戒於遊處曾何免於顛躓士有五善斯在載橐有待麗龜之知未忘貫隼之誠勿改幸文武之不墜希葑菲之必采則知發矢有期獲禽俟

時想大易之靈

一作垂

文微言可蹟稽高墉之立

一作疑

象

壯立空持既是則而是傲永念茲而在茲

第二

同前韻

武少儀

羽族紛紛彼飛隼兮獨勁捷而莫羣心耿介以騰踴毳

斑瀾而被文擊每依於素節翔亦致乎青雲匪全身以

自變

一作愛

寧有齒而見焚貫矢落庭既垂名於孔宣父

搏鳩陷網又伏罪於信陵君今也何時


一作持

輕乎所履

伊廣甸不遊乃高墉爰止信非位乎是蹈宜賈害而嚮



以立言懸日月而不改或有人兮脩其詞遇其時三復  
射隼之兆載質射隼之期幸寸長而罔貴冀一聞而在  
斯



文苑英華卷一百三十六

死吾嘗問術於列禦寇學藝於熊渠子爾或捨諸吾斯  
過矣我矢惟良我弓未藏度中而發于何不減矧專精  
而致用奚得失之難量哉於是正色斂容凝心定志晚  
手引滿注目神萃驚弦駭括將辟易以翻飛裂臆洞冒  
已披離而迸墜觀彼隼之貽威諒吾人之會意故君子  
周而不比用則擇地無苟進以躡高位無躁求以享厚  
利智昧於是安往而免夫顛躓未見器  
字官韻然則懷貪怙力  
者怨一有  
咎字所聚材小任崇者覆一有  
亡字可待故聖人明象象

欽定四庫全書

集部

文苑英華卷一百三十七至九

詳校官內閣學士臣瑞保

助教臣常循覆勘

總校官進士臣朱鈺

校對官編修臣于鼎

謄錄監生臣賀英

欽定四庫全書

文苑英華卷一百三十七

宋 李昉等 編

鳥獸七

鵲鴝賦一首

鴻漸賦二首

鴻賦一首

秋鴻賦一首

晴臯鶴唳賦一首

沙洲獨鳥賦一首

傷馴鳥賦一首

鵲巢背太歲賦一首

鵲始巢賦一首

紅背鳥賦二首

鵲鵲賦

并序

喬琳

鵲鵲雖渠也詩取其鳴行搖尾相應以興兄弟急難之義而已然無巢無鷁不知栖息孳孕之所人之見者更無大小之殊隼不能搏彈不能射網罟不能取朝之與夕常在人間竟不知此鳥之所自來也

何鵲鵲之小鳥與羽族而特殊鷁鷁

郭璞江賦  
鼓翅鷁鷁

飛鳴肖

翹畢逋金睛玉爪紺尾青顱電瞥機駭火馳風趨來何從而去何適似出有而入無噫形氣有生之類非卵則

胎不巢則穴罕知爾棲泊之所乳伏之節吾自見爾翻  
翻一狀小大無別莫測雛孕之源以出陶鈞之轍亦稱  
王母之使豈在神仙之列味啄鋒銛毛衣霜雪惟若鷲  
之近道思數顧以周防苟彈射之莫中匪網罟而奚張  
齊姜所以遣重耳范蠡所以逃越王慮宴安之有毒斯  
儆戒以為良務相時而達變豈膠柱而守常偶來池館  
非意稻粱吾將注目而悠然以逝

四字一作  
修以閒遊

色斯舉矣

而物莫之傷既忘情於進取遂遊伋以翱翔乘興於人

間之世全身於自遠之場苟日新於運用能獨善於行藏

鴻漸賦

以鴻漸路適之為韻

陸贄

深不測者道大無疆者空空非羽而何適道匪人兮孰  
通通於道者是謂君子適於空者莫如漸鴻故聖人託  
象以明義務勤以飭躬將自邇而圖遠必因卑而致崇  
始其素卵新化青春戲疑融一之日乳哺衡陽之曲二  
之日翺翔彭蠡之中且愛疑作爰居以樂水亦從正而養

蒙毳毛其成洞庭之芳草初綠弱羽云就武陵之繁華  
已紅而見其進未知其終美夫淑姿偉麗飛鳴有檢動  
靡求棲遊皆遠險思奮志於寥廓且藻容於菱芡昇不  
越次先冒履木之危進而得中爰及于磐之漸漸如何  
其往有攸措方去渚而戾止俄躋陵而遐顧風水遙輔於羽  
毛煙雲未通於道路噤噤相台驚月次一作光而亂趨一作  
起肅肅連行拂天池而徑度信梁鷺之莫儔豈谷鷺之  
足慕亦猶九層起於累土千里始於投跡琢玉者日就



其功為學者月將其益皆自微以成著固何求而不適  
异夫出陸搏空驤首矯翮順寒暑以攸往亘山川而罔  
隔以言乎鳥也尚不忘進以言乎人也如何無思思者  
所以志道進者所以脩辭誠既往而莫返冀將來而可  
追蒙亦有望於斯漸敢不肅然而勉之

第二

崔陟

易之為書也八卦分體萬象潛通漸之為義也進以得  
位動而有融故聖人假物筌理爰託喻於茲鴻鴻之為

物也迹狎洲渚去軼雲空始于干而漸陸竟自卑而陟  
崇飛則有序和而不同有類夫君子進德脩業積微成  
功陟遐以自適謀始而利終者哉原夫交頸頡頑乘波  
澹淡逍遙自得罽羅莫掩匪干時以強進每卑棲而自  
檢雖欲致雲霄之高故必階磐陸之漸泊乎理翰海表  
驤首煙路既應日而春來亦隨陽而類序行藏不昧於  
節遊止不愆於素匪親鳧鷖之羣豈思稻粱之顧誠羽  
儀之可重奚鷲雀之能慕豈比夫鸚鵡銜其羽翮徒矜

才以取譽然無罪而見獲鄉國迢遙箱籠窘迫慕侶心  
斷冲天望隔不階漸以苟進非一作怍忤物而致危可同  
年而語哉

鴻賦

翩翩者鴻刷羽疏風賓燕薊之北旅江湖之中何斯禽  
之寡識亦陰陽之載通若乃編名漢川棲身禁籞易象  
嘉其漸陸詩人美乎遵渚晉文以賓客見規齊桓以君  
臣相許既隨軒於良使疑作吏後漢虞國為日南太守行惠澤有雙鴻隨軒亦銜

丹於仙女其德性也肅肅習習續續紛紛泛濫綠水翔  
翔白雲飛則有貫集則為羣跡不以沙泥自混貌不以  
玄黃自分敏清真之不雜同朴畧之無文於是寒月改  
躔朱星移度苔濃春水草滋甘露園木含榮溪水解汜  
乃連太陰於北漠遣少陽於南路唼藻而至豈鷹鷂之  
見猜銜蘆以飛何罽羅之足懼至於長距蒙賞利觜見  
升豹以尾而自貴鷄疑以尾而自矜巢睫之蟲終幽微  
而莫覩乘一作天之羽竟寥廓而難徵孰與夫鴻也窮

遠適縱遐觀凌天衢拂青漢橫逸翮奮羽儀空遠沮澤  
竟屬汗池有四海之心而人莫識有八方之氣而人莫  
知年歲蹉跎兮行不返毛羽翕習兮飛未遠願借勢兮  
自強庶高翔兮不晚

秋鴻賦

趙勵

若夫隨陽之鳥翩翩者鴻高飛晴日長鳴朔風乘秋陰  
於迴塞結陣影於遙空觀其羽翮聯翩出入寥廓念江  
湖而遊遠犯霜露而無託昔年春去愛洲渚之芳菲今

日秋來值關山之搖落借如良人遠戍賤妾孤居帷屏  
曠望意息空踈路杳渺而無恨心嬋娟而有餘憶紫塞  
之年盡怨青樓之夜虛莫不聞之者憤惋聽之者連如  
羅迴文之織錦思繫足之邊書若乃明月宵懸黃雲晝  
洩牢落天池蒼茫溟碣行宛轉而初上影參差而不絕  
愁輕代北之雲訝負遼西之雪既而南遊澤國北別沙  
場千里萬里懷稻懷梁強能鳴以取愛恐不才而見傷  
所願免虞人之增繳得狎君之池塘者也

晴臯鶴唳賦

以警露清野高  
飛唳天為韻

迴野遠色寒空繁聲眺莫媚於雨霽聆何長於鶴鳴孤

飛而天下

疑作  
字

澄曠獨立而霜臯砥平對明景

一作對  
明月

之逾秀遡晨風而自清炯爾體空冷然響帶疑磬發而  
珮搖若霜標而雪麗林鵬之皓色難比雲鴈之清音罕  
繼雖居下而在幽亦高聞而遠唳或引或罷以遊以遨  
顧塵寰而不雜仰天路而飛高懿夫秉心清迴稟質貞  
素偶影思侶矜容舉步忘機遂性豈思寵於乘軒遠害

全軀每勞心於警露聽閒兮易感聲怨兮難度非陸氏  
之無聞想王生之可慕原其翔集玄圃騰騫翠微晚蓬  
壺而易感冒江海而懸飛情慕必止心徂匪違或羣翔  
而反顧或孤賞而忘歸厭仙府而舉華亭思鳴臯而適  
綠野爰捧日以遐騫遂凌煙而獨下一作於  
獨夜晴臯曙兮  
邈矣靜皓鶴鳴兮杳何永俄度曲於澗瀨乍迷影於雲  
景聞幽而音響清越觀麗而羽儀閒整何霽野之無人

獨仙禽之虛警

未見天  
字韻



沙洲獨鳥賦

高 郢

鴻彼飛鳥在河之洲一飲一啄載沉載浮賞心利涉之  
地浴德清波之流守道而行風水無情於六翮度才自  
處雲霄有望於雙眸聯翩失伴顧步無儔因潔身而獨  
立聊拂羽以孤遊蓋貞以不羣鷺而有別將擇水以未  
暇乃漸磐而自悅窺形弄影欣得地以徘徊哀響竒音  
冀聞天而清切亦猶鴻志非鷺鶴羣豈雞雖孕形於羽  
族諒稟性於天倪慎其獨焉知無心於黨與需于沙者

必不至於沉泥豈比夫鸞對鏡而方舞鳳非梧而不棲  
候鴈有銜蘆之懼黃鳥興止棘之悲疑何出處之情遠  
而攝生之智迷况乎食粟貪榮乘軒取媚珍禽見育敗  
德於明主鷲鳥云亡行刑於下吏非靈應之攸止乃進  
趨之所致豈若動非干物息能擇地盜泉不飲得廉士  
之風止水常遊侔至人之智道有可鑒才無不備屬鳥  
瑞之昌期將遷鴈之厚意顧得振羽毛展精鷲君不信  
其飛鳴試假借於名位觀其處啓閉辨分至然後知沙

洲之獨鳥非凡禽之類

傷馴鳥賦

權德輿

紛羽族之多端兮同翺飛而類殊有鶯谷之微禽亦播  
質於洪鑪因稗子之嬉遊得中園之墜鷓恣飲啄以馴  
擾來目前與坐隅爾乃棲以籠檻鍛其羽翼冀留軒一作

留軒所

以為娛俾遐翥之無力作踉蹌而將舉顧襍褫而

復息雖主人之見容終使喪天和於自得或親賓至此  
微軫徐觸每聞絃而鼓翼亦追一作節而翹足貌一作

宛轉以成態聲間闢而助曲乍寂寞以閒暇若凝情於  
相矚理輕毳以自潔類山立之珮玉每翔集以安卑同  
君子之自牧思謝尚之起舞邁風流之逸躅荀魯昭之  
不君固乾侯之出辱方渡濟以申敬伊涼德之自覆徵  
故老之相傳驗曩記之或存在端五一作午之司晨剪其  
舌而能言巧喉轉一作轉以達情順人心而不諼方渴日  
以呈材願朱明之駿奔忽愀慘以顛顛響哀音於簾箔  
竟啁啾而不去若徊翔之有託悅心訝而未辨歛狸狴

之攢搏俄斃踣而不勝紛血灑以毛落彼葛盧與治長  
通鳥獸之音聲闕君子之周防無古人之至精既不能  
縱爾於遼廓又不能遂爾之生成使異類之得志曾未  
極其飛鳴則本夫養之之惠適所以害其生生又憶夫  
清江之使者東海之波臣苟其時之不來則刳腸而涸  
鱗鷓鍾鼓而反悲馬阜棧而多死雖為遇之已甚固又  
天其天理嘗聞乎賢聖之理物也愚智殊方薰蕕異藏  
善用無棄兮互見其長各有攸處兮兩不相傷官天地

而府萬物繇此道而為常吾既悟斯理之不早因失之  
而後防収視聽以冥觀兮遂羣性之茫茫

凡一作皆川本文萃

鵲巢背太歲賦

陳仲師

營巢有因惟鵲無倫始自小寒之日不當太歲之神辨  
向背以經營必先避地顧縱橫而委積足以藩身且其  
矯翼徘徊向隅棲息時懷擇木之智日就積薪之力若  
在離宮之內不可巢南如當子午之中無因逐北所以

率先表異選勝知歸應時節而遷易辨方隅之是非念  
彼明神自易地而攸處顧茲弱羽信何枝而可依時也  
苟遂居安寧辭力役銜腐草而構思向高柯以容跡動  
觀所忌殊古人之槽巢理契不齊知疑作如方士之工歷

擇地已有知風豈無方一枝而自託雖小數之能拘且  
相質以和鳴喜同於雀乃卜居而類聚趨甚於鳧况復  
藉用茅茨殊荷庇蓋任風雨而自適豈陰陽而去泰念  
土宜之是顧足見知方信天理以自然焉能向晦爾乃

節屆玄律時方返寒顧地角而知禁豈天時之可干無  
起土功異銜泥而戾止知於歲杪聊寓跡以求安既而  
飲啄無虛推移不滯得厭勝之良術誠棲遲之上計潛  
軫明條之慮必附枳枸之勢摧枯拉朽已邈疑作葺於  
崇朝命侶引雛聊優游於卒歲顧末俗之無違信微禽  
之可繼

鵲始巢賦

陳仲師

霜天慘慘兮楓樹之杪構彼層巢兮翩然宿鳥晒喬柯



以上下慙弱羽之卑小周匝經營翻飛繚繞履危而金  
彈不發送喜而珠簾乍開逐初心之眷戀無利觜之嫌  
猜架木末居岩隈容足之前望一枝以棲息翻身之際  
歷衆木而飛來拂曙聲多排空意遠惜光陰於朝暮迷  
飲啄之往返於是攫腐草銜飛蓬重疊尺筭迴環翠空  
凌寒而且近朝日構思而偏愁夜風俯仰求容冀資拾  
芥之力縱橫居止顧就積薪之功必使輕舉得便羣飛  
會同嬉遊遂憐疑作於清籟窘束長謝其雕籠所謂據

實以來憑虛相借不然則六翮摧毀三冬徂謝飛駕將  
出乎深谷黃雀亦誇其大廈故所以踰遠林戾前除仰  
窺肅爽遠慕扶疎當繞樹之時暫隨烏會在來巢之日  
當畏鳩居非微禽之敢競幸嘉木之有餘嗟乎搖尾馴  
擾斂容萃止依於主人來若處子匪能言以呈慧不善  
舞以招美倘抵玉無虞搏風資始故巢林以何報唯化  
印而後已

紅嘴烏賦

以新飛羽  
未調為韻

李子卿

殊方之鳥兮丹背黑身異性特立兮既孝且仁勁毳非

日黔而得黑快吻豈研硃而益新

一作勁翮毳毛非日黔而得結喙決吻乃

研朱益新

不頡頏以干物常翩翩而狎人非越鳥之思歸羨

海鷗之忘機謂富屋之堪止謂芳枝而可依其來也狀  
銜花未下其去也疑帶火初飛何必將雛聲已傳於綠  
綺如能返哺遊更狎於綵衣嗷嗷其音泄泄其羽常飲  
啄於軒砌每棲翔於牖戶凌美翼之鵷雛掩能言之鸚  
鵡朝食芳餌全忘攫肉之心夜宿雕籠何有啼城之苦

顧弱質而誰貴誠主人之厚意非九子之是思仰三足

而多愧鳴躍既安

一作安在

搏扶尚未駑何得

疑作德

而逸喬

鶴何功而在位稻粱已飽兮羽翼將調霜臺可宿兮雲

漢非遙倘不使余尾之譙譙余音之嘒嘒為君一舉凌

丹霄

第二

崔元明

伊空桐之靈鳥兮丹觜黑質拂羽青霄兮流形白日與  
鴛鴦而為伍豈凡鳥之能匹故其聲則合雅動必依仁

受惠而狎感恩而馴既裔裔而翔漢嘗啞啞而向人不  
驚不怖亦義而親爾其升丹楹入華堂對上客之羅薦  
拂佳人之裝裳驚空簾之秋色怨夕月之清光悲信美  
而非吾土傷幽栖而思故鄉一作思故國而多傷於是湘一作楚妃  
援琴相如為歎何不開金籠而使飛永騫翥於雲漢重  
曰日宮難可躋月樹復驚栖未聽將雛曲空聞怨夜啼

文苑英華卷一百三十七